



# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ք. Երևան

25.12.2020թ.

## Ո Ր Ո Շ ՈՒ Մ

### ՀՀ գնումների հետ կապված բողոքներ քննող անձ թիվ ԳԲՔԱ-ՆԳ-2020/100

Հայաստանի Հանրապետության գնումների հետ կապված բողոքներ քննող անձը՝ ի դեմս Գրիգոր Ներսիսյանի՝

Մասնակցությամբ՝

Անուշ Պետրոսյան Ա/Ձ-ի ներկայացուցիչ

Հ. Ենգոյանի (լիազորագիր տրված՝ 14.12.2020թ.)

քննելով ՀՀ պետական եկամուտների կոմիտեի կարիքների համար ֆաքսիմիլային սարքերի վերանորոգման և պահպանման ծառայությունների ձեռքբերման նպատակով հայտարարված «ՀՀ ՊԵԿ-ԳՀԾՁԲ-2020/12» ծածկագրով գնանշման հարցման ընթացակարգի շրջանակներում Անուշ Պետրոսյան Ա/Ձ-ի կողմից 11.12.2020թ. ներկայացված և 14.12.2020թ. վարույթ ընդունված բողոքը (հետայսու՝ ԳԲՔԱ-ՆԳ-2020/100 բողոք) և կից փաստաթղթերը, պարզեցի հետևյալը.

**1.Անուշ Պետրոսյան Ա/Ձ-ի ներկայացրած փաստերը, հիմնավորումները և պահանջը.**

Անուշ Պետրոսյան Ա/Ձ-ն (հետայսու՝ Մասնակից) 11.12.2020թ. ներկայացրած բողոքով հայտնել է հետևյալը.

«ՀՀ պետական եկամուտների կոմիտեի կարիքների համար՝ «ՖԱՔՍԻՄԻԼԱՅԻՆ ՍԱՐՔԵՐԻ ՎԵՐԱՆՈՐՈԳՄԱՆ և ՊԱՀՊԱՆՄԱՆ» ծառայությունների ձեռքբերման նպատակով հայտարարվել է ՀՀ ՊԵԿ-ԳՀԾՁԲ-2020/12 ծածկագրով գնանշման հարցման ընթացակարգ:

Վերը նշված ընթացակարգին, ի թիվս այլ ընկերությունների, մասնակցության հայտ է ներկայացրել նաև «Անուշ Պետրոսյան» Ա/Ձ-ն:

Ընթացակարգի գնահատող հանձնաժողովը 10.11.2020թ. տեղի ունեցած նիստի թիվ 3 արձանագրության համաձայն՝ գնահատող հանձնաժողովը որոշել է Ընթացակարգի ընտրված (հաղթող) մասնակից հայտարարել (ճանաչել) «Անուշ Պետրոսյան» Ա/Ձ-ին:

Իսկ արդեն Ընթացակարգի գնահատող հանձնաժողովը 09.12.2020թ. տեղի ունեցած նիստի թիվ 4 արձանագրության համաձայն՝ 19.11.2020թ. ընտրված մասնակից «Անուշ Պետրոսյան» Ա/Ձ-ին ուղարկվել է պայմանագրի նախագիծը, որը պետք էր մինչև 03.12.2020թ. ներկայացվեր Պատվիրատուին /ներառյալ պայմանագրի ապահովումը/ ինչը սահմանված ժամկետում մասնակցի կողմից չի կատարվել:

Հաշվի առնելով վերը նշված հանգամանքը՝ «Անուշ Պետրոսյան» Ա/Ձ-ին գրկել պայմանագրի կնքելու իրավունքից և Ընթացակարգի ընտրված մասնակից ճանաչել «Մագիստրալ նախագիծ» ՍՊԸ-ին:

Բողոքի իրավական հիմքերը և հիմնավորումները.

«Գնումների մասին» ՀՀ օրենքի 3-րդ հոդվածի 1-ին մասի համաձայն՝ սույն օրենքի նպատակն է ապահովել գնումների գործընթացում հատուցման դիմաց արժեք, այն է՝

1) պատվիրատուին վերապահված լիազորությունների կատարման համար անհրաժեշտ՝ կարիքին համապատասխան ապրանքների, աշխատանքների և ծառայությունների ձեռքբերում՝ համարժեք հատուցմամբ.

2) գնումների և գնումների գործընթացի տնտեսող, արդյունավետ և օգտավետ իրականացում:

Նույն հոդվածի 2-րդ մասի համաձայն՝ գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.

3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն:

Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

Ինչպես արդեն հայտնել ենք՝ ՀՀ պետական եկամուտների կոմիտեի կարիքների համար՝ «ՖԱՔՍԻՄԻԼԱՅԻՆ ՍԱՐՔԵՐԻ ՎԵՐԱՆՈՐՈԳՄԱՆ և ՊԱՀՊԱՆՄԱՆ» ծառայությունների ձեռքբերման նպատակով հայտարարվել է «ՀՀ ՊԵԿ-ԳՀԾՁԲ-2020/12» ծածկագրով գնանշման հարցման ընթացակարգ, որի մասնակցության հայտ է ներկայացրել նաև «Անուշ Պետրոսյան» Ա/Ձ-ն և ճանաչվել ընտրված (հաղթող) մասնակից:

Այնուհետև՝ Ընթացակարգի գնահատող հանձնաժողովը 09.12.2020թ. տեղի ունեցած նիստի թիվ 4 արձանագրության համաձայն արձանագրել է, թե իբր 19.11.2020թ. ընտրված մասնակից «Անուշ Պետրոսյան» Ա/Ձ-ին ուղարկվել է պայմանագրի նախագիծը, որը պետք էր մինչև 03.12.2020թ. ներկայացվեր Պատվիրատուին /ներառյալ պայմանագրի ապահովումը/՝ ինչը սահմանված ժամկետում մասնակցի կողմից չի կատարվել և հիմք ընդունելով վերը նշված հանգամանքը՝ «Անուշ Պետրոսյան» Ա/Ձ-ն զրկվել է պայմանագիր կնքելու իրավունքից:

Տվյալ պարագայում ՀՀ գնումների հետ կապված բողոքներ քննող անձի ուշադրությունն ենք հրավիրում այն հանգամանքի վրա, որ «Անուշ Պետրոսյան» Ա/Ձ-ն զրկվել է պայմանագիր կնքելու իրավունքից, քանի որ գնահատող հանձնաժողովի կողմից «Անուշ Պետրոսյան» Ա/Ձ-ի էլ. փոստի հասցեին Ընթացակարգի պայմանագրի նախագիծը չի ուղարկվել՝ ինչի մասին Ա/Ձ-ն հեռախոսազանգի միջոցով հայտնել է Պատվիրատուին:

Օրենքի 50-րդ հոդվածի 7-րդ մասի 1-ին կետի համաձայն՝ ՀՀ գնումների հետ կապված բողոքներ քննող անձն իրավունք ունի պատվիրատուի և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

ա. արգելելու կատարել որոշակի գործողություններ և ընդունել որոշումներ,

բ. պարտավորեցնելու ընդունել համապատասխան որոշումներ, ներառյալ՝ չկայացած հայտարարելու գնման ընթացակարգը, բացառությամբ պայմանագիրը անվավեր ճանաչելու մասին որոշման»:

Ամփոփելով վերոգրյալը՝ Մասնակիցը ՀՀ գնումների հետ կապված բողոքներ քննող անձին խնդրել է՝

1. Պարտավորեցնել ՀՀ ՊԵԿ-ԳՀԾՁԲ-2020/12 ծածկագրով գնահատող հանձնաժողովին դադարեցնել հանձնաժողովի 2020թ. դեկտեմբերի 9-ի թիվ 4 արձանագրության համաձայն՝ «Անուշ Պետրոսյան» Ա/Ձ-ին պայմանագիր կնքելու իրավունքից զրկելու մասին որոշումը:

2. Պարտավորեցնել ՀՀ ՊԵԿ-ԳՀԾՁԲ-2020/12 ծածկագրով գնահատող հանձնաժողովին դադարեցնել 09.12.2020թ. թիվ 4 արձանագրությամբ «Մագիստրալ նախագիծ» ՍՊԸ-ին ընթացակարգի հաղթող /ընտրված/ մասնակից ճանաչելու մասին որոշումը:

Մասնակիցը, պատշաճ ծանուցված լինելով բողոքի քննության նպատակով 18.12.2020թ. ժամը 10:15-ին հրավիրված նիստի վերաբերյալ, ապահովել է իր ներկայացուցչի մասնակցությունը, ով պնդել է բողոքը, միաժամանակ միջնորդել է Գնումների հետ կապված բողոքներ քննող անձին բողոքով վիճարկվող խնդրի վերաբերյալ կատարել համապատասխան հարցում:

## **2. ՀՀ պետական եկամուտների կոմիտեի կողմից բողոքի վերաբերյալ ներկայացված դիրքորոշումը և հիմնավորումները.**

ՀՀ պետական եկամուտների կոմիտեն (հետայսու նաև՝ Պատվիրատու) 15.12.2020թ. թիվ 1/18-2/78649-2020 գրությամբ Գնումների հետ կապված բողոքներ քննող անձին է տրամադրել ԳԲՔԱ-ՆԳ-2020/100 բողոքի վերաբերյալ անհրաժեշտ փաստաթղթերը:

Պատվիրատուն, պատշաճ ծանուցված լինելով բողոքի քննության նպատակով 18.12.2020թ. ժամը 10:15-ին հրավիրված նիստի վերաբերյալ, չի ապահովել իր ներկայացուցչի մասնակցությունը:

## **3. ԳԲՔԱ-ՆԳ-2020/100 բողոքի քննության համար էական նշանակություն ունեցող փաստերը.**

ԳԲՔԱ-ՆԳ-2020/100 բողոքի քննության համար էական նշանակություն ունեն հետևյալ փաստերը՝

1. ՀՀ պետական եկամուտների կոմիտեի կարիքների համար ֆաքսիմիլային սարքերի վերանորոգման և պահպանման ծառայությունների ձեռքբերման նպատակով հայտարարվել է «ՀՀ ՊԵԿ-ԳՀԾՁԲ-2020/12» ծածկագրով գնանշման հարցման ընթացակարգ (հետայսու նաև՝ Ընթացակարգ), որին մասնակցելու նպատակով հայտ է ներկայացրել Անուշ Պետրոսյան Ա/Ձ-ն:

2. Ընթացակարգի գնահատող հանձնաժողովի 10.11.2020թ. նիստի թիվ 3 արձանագրության համաձայն՝ Անուշ Պետրոսյան Ա/Ձ-ն ճանաչվել է ընտրված մասնակից և որոշվել է անգործության ժամկետի ավարտից հետո ծանուցել վերջինիս՝ ներկայացնելով պայմանագիր կնքելու առաջարկը և պայմանագրի նախագիծը:

3. Պատվիրատուն Armeps էլեկտրոնային գնումների համակարգի (հետայսու նաև՝ Համակարգ) միջոցով 19.11.2020թ. ծանուցել է Անուշ Պետրոսյան Ա/Ձ-ին՝ ներկայացնելով պայմանագիր կնքելու առաջարկը և պայմանագրի նախագիծը:

4. Ընթացակարգի գնահատող հանձնաժողովի 09.12.2020թ. նիստի թիվ 4 արձանագրությամբ արձանագրվել է, որ 19.11.2020թ. Անուշ Պետրոսյան Ա/Ձ-ին ներկայացվել է պայմանագիր կնքելու առաջարկ: Սահմանված ժամկետը լրացել է 03.12.2020թ., որի ընթացքում ընտրված մասնակցի կողմից չի ստորագրվել պայմանագիրը և պատվիրատուին ներկայացվել պայմանագրի ապահովումը, ուստի գնահատող հանձնաժողովը, ղեկավարվելով «Գնումների մասին» ՀՀ օրենքի 36-րդ հոդվածի 3-րդ կետով և հրավերի 8.20 կետով, որոշել է զրկել վերջինիս պայմանագիր կնքելու հրավունքից:

**4. ՀՀ գնումների հետ կապված բողոքներ քննող անձի հիմնավորումները և եզրահանգումը.**

ՀՀ գնումների հետ կապված բողոքներ քննող անձ Գրիգոր Ներսիսյանս, ուսումնասիրելով Անուշ Պետրոսյան Ա/Ձ-ի կողմից ներկայացված բողոքը, ԳԲՔԱ-ՆԳ-2020/100 բողոքի շրջանակներում ՀՀ պետական եկամուտների կոմիտեի կողմից ներկայացված փաստաթղթերը, ՀՀ ֆինանսների նախարարության 22.12.2020թ. թիվ

Ն/26-1/24774-2020 գրությունը և գրությամբ տրամադրված փաստաթղթերը, «ՀՀ ՊԵԿ-ԳՀԾՁԲ-2020/12» ծածկագրով ընթացակարգի հրավերը և գործով առկա նյութերը, հայտնում եմ հետևյալը.

«Գնումների մասին» ՀՀ օրենքի (հետայսու նաև՝ Օրենք) 3-րդ հոդվածի 2-րդ մասի համաձայն՝ գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.

3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն:

Օրենքի 35-րդ հոդվածի 1-ին մասի համաձայն՝ ***պայմանագրի ապահովում ներկայացնելու պահանջի հիման վրա այն սրանալու օրվանից 10 աշխատանքային օրվա ընթացքում ընտրված մասնակիցը պարտավոր է ներկայացնել պայմանագրի ապահովում: Ընտրված մասնակցի հետ պայմանագիր կնքվում է, եթե վերջինս ներկայացնում է պայմանագրի ապահովում:***

Օրենքի 36-րդ հոդվածի համաձայն՝

1. Պայմանագիր կնքվում է գնահատող հանձնաժողովի որոշման հիման վրա՝ պատվիրատուի կողմից:

2. ***Սույն օրենքի 10-րդ հոդվածով սահմանված անգործության ժամկետը լրանալուն հաջորդող չորս աշխատանքային օրվա ընթացքում պարտավորություն ծանուցում է ընտրված մասնակցին՝ ներկայացնելով պայմանագիր կնքելու առաջարկը և պայմանագրի նախագիծը:*** Ընդ որում, պայմանագիրը կարող է կնքվել ոչ շուտ, քան սույն օրենքի 10-րդ հոդվածով սահմանված անգործության ժամկետը լրանալու օրվան հաջորդող երկրորդ աշխատանքային օրը:

3. ***Եթե ընտրված մասնակիցը պայմանագիր կնքելու մասին ծանուցումը և պայմանագրի նախագիծն սրանալուց հետո՝ 10 աշխատանքային օրվա ընթացքում, չի ստորագրում պայմանագիրը և պարտավորություն ներկայացնում պայմանագրի ապահովումը, ապա նա զրկվում է պայմանագիրն ստորագրելու իրավունքից:***

Պայմանագրով կանխավճար նախատեսվելու դեպքում սույն կետով նախատեսված ժամկետը սահմանվում է 15 աշխատանքային օր:

ՀՀ կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի (հետայսու նաև՝ Կարգ) 32-րդ կետի 1-ին ենթակետի գ) պարբերությամբ սահմանվում է, որ հրավերով նախատեսվում է նաև, որ՝ մասնակիցը հայտով ներկայացնում է՝ իր կողմից հաստատված հավաստում՝ ընտրված մասնակից ճանաչվելու դեպքում, օրենքի 35-րդ հոդվածով սահմանված ժամկետում, ներկայացրած գնային առաջարկի չափով որակավորման ապահովում ներկայացնելու պարտավորության մասին: Ընդ որում շինարարական ծրագրերի տեխնիկական հսկողության ծառայությունների գնման դեպքում սույն պարբերությամբ նախատեսված ապահովման չափը հավասար է շինարարական աշխատանքների գնման համար սահմանված կարգով հաստատված և փորձաքննություն անցած նախագծային փաստաթղթերով նախատեսված արժեքի տաս տոկոսին:

Այսպիսով՝ ՀՀ պետական եկամուտների կոմիտեի կարիքների համար ֆաքսիմիլային սարքերի վերանորոգման և պահպանման ծառայությունների ձեռքբերման նպատակով հայտարարվել է «ՀՀ ՊԵԿ-ԳՀԾՁԲ-2020/12» ծածկագրով գնանշման հարցման ընթացակարգ, որին մասնակցելու նպատակով հայտ է ներկայացրել Անուշ Պետրոսյան Ա/Ձ-ն:

Ընթացակարգի գնահատող հանձնաժողովի 10.11.2020թ. նիստի թիվ 3 արձանագրության համաձայն՝ Անուշ Պետրոսյան Ա/Ձ-ն ճանաչվել է ընտրված մասնակից և որոշվել է անգործության ժամկետի ավարտից հետո ծանուցել վերջինիս՝ ներկայացնելով պայմանագիր կնքելու առաջարկը և պայմանագրի նախագիծը:

Պատվիրատուն Համակարգի միջոցով 19.11.2020թ. ծանուցել է Անուշ Պետրոսյան Ա/Ձ-ին՝ ներկայացնելով պայմանագիր կնքելու առաջարկը և պայմանագրի նախագիծը:

Ընթացակարգի գնահատող հանձնաժողովի 09.12.2020թ. նիստի թիվ 4 արձանագրությամբ արձանագրվել է, որ 19.11.2020թ. Անուշ Պետրոսյան Ա/Ձ-ին ներկայացվել է պայմանագիր կնքելու առաջարկ: Սահմանված ժամկետը լրացել է 03.12.2020թ., որի ընթացքում ընտրված մասնակցի կողմից չի ստորագրվել պայմանագիրը և պատվիրատուին ներկայացվել պայմանագրի ապահովումը, ուստի գնահատող հանձնաժողովը, ղեկավարվելով Օրենքի 36-րդ հոդվածի 3-րդ կետով և հրավերի 8.20 ենթակետով, որոշել է զրկել վերջինիս պայմանագիր կնքելու իրավունքից:

Այսպիսով, արձանագրում եմ, որ Անուշ Պետրոսյան Ա/Ձ-ի ներկայացուցիչը ԳԲՔԱ-ՆԳ-2020/100 բողոքի քննության նպատակով հրավիրված նիստի ընթացքում միջնորդել է Գնումների հետ կապված բողոքներ քննող անձին բողոքով վիճարկվող խնդրի վերաբերյալ կատարել համապատասխան հարցում:

Գնումների հետ կապված բողոքներ քննող անձը՝ բավարարելով վերջինիս միջնորդությունը, 18.12.2020թ. թիվ ԲՔԱ-ԳՆ/1/18999-2020 գրությամբ դիմել է ՀՀ ֆինանսների նախարարությանը՝ խնդրելով գործի քննության անհրաժեշտությունից ելնելով հայտնելու՝ «ՀՀ ՊԵԿ-ԳՀԾՁԲ-2020/12» ծածկագրով ընթացակարգի շրջանակներում ընտրված մասնակից ճանաչված Ա/Ձ Անուշ Պետրոսյանին ՀՀ պետական եկամուտների կոմիտեի կողմից 19.11.2020թ. ոչ ավտոմատ ծանուցում՝ պայմանագիր կնքելու վերաբերյալ, ուղարկվել է, թե՛ ոչ:

Ի պատասխան վերը նշված հարցման՝ ՀՀ ֆինանսների նախարարությունը 22.12.2020թ. թիվ Ն/26-1/24774-2020 գրությամբ հայտնել է, որ էլեկտրոնային գնումների համակարգում առկա տեղեկատվության վերլուծությունը ցույց է տալիս, որ «ՀՀ ՊԵԿ-ԳՀԾՁԲ-2020/12» ծածկագրով ընթացակարգի շրջանակում գնահատող հանձնաժողովի քարտուղարի կողմից **Անուշ Պետրոսյան Ա/Ձ-ի՝ «armeps» համակարգում գրանցած [ga@mail.ru](mailto:ga@mail.ru) էլեկտրոնային փոստի հասցեով ոչ ավտոմատ ծանուցման եղանակով 19/11/2020թ. ժամը 12:28-ին ուղարկվել է էլեկտրոնային ուղերձ նամակ:**

Այսպիսով, «Գնումների մասին» ՀՀ օրենքի 36-րդ հոդվածի 3-րդ մասի համաձայն՝ **եթե ընտրված մասնակիցը պայմանագիր կնքելու մասին ծանուցումը և պայմանագրի նախագիծն ստանալուց հետո՝ 10 աշխատանքային օրվա ընթացքում, չի ստորագրում պայմանագիրը և պատվիրատուին ներկայացնում պայմանագրի ապահովումը, ապա նա զրկվում է պայմանագիրը ստորագրելու հրավումքից:** Պայմանագրով կանխավճար նախատեսվելու դեպքում սույն կետով նախատեսված ժամկետը սահմանվում է 15 աշխատանքային օր:

Գործում եղած փաստերը՝ համադրելով կիրառման ենթակա նորմերի հետ, միաժամանակ հիմք ընդունելով ՀՀ ֆինանսների նախարարության 22.12.2020թ. թիվ Ն/26-1/24774-2020 գրությունը՝ արձանագրում եմ, որ 19.11.2020թ. ընտրված մասնակից Անուշ Պետրոսյան Ա/Ձ-ին ուղարկվել է պայմանագիր կնքելու առաջարկը և պայմանագրի նախագիծը, մինչդեռ վերջինս Օրենքի 36-րդ հոդվածի 3-րդ մասով սահմանված ժամկետում, այն է՝ 10 աշխատանքային օրվա ընթացքում, չի ստորագրել պայմանագիրը և



Պատվիրատուին ներկայացրել պայմանագրի ապահովումը, որի հետևանքով զրկվել է պայմանագիր կնքելու իրավունքից:

Այսպիսով՝ վերոգրյալի հաշվառմամբ գտնում եմ, որ Ընթացակարգի գնահատող հանձնաժողովի գործողությունները՝ Մասնակցին պայմանագիր կնքելու իրավունքից զրկելու մասով, իրավաչափ են, հետևաբար Անուշ Պետրոսյան Ա/Զ-ի բողոքն անհիմն է և ենթակա է մերժման:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասով՝

### Ո Ր Ո Շ Ե Ց Ի

Անուշ Պետրոսյան Ա/Զ-ի կողմից 11.12.2020թ. ներկայացված բողոքը մերժել:

ՀՀ գնումների հետ կապված բողոքներ քննող անձի որոշումն իրավապարտադիր է և ուժի մեջ է մտնում տեղեկագրում հրապարակվելու հաջորդ օրը:

ՀՀ գնումների հետ կապված բողոքներ քննող անձի որոշումը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

**Գնումների հետ կապված  
բողոքներ քննող անձ՝**



**ԳՐԻԳՈՐ ՆԵՐՍԻՍՅԱՆ**